



《續修四庫全書》編纂委員會編

續修四庫全書

上海古籍出版社

四五八・史部・詔令奏議類

皇明詔制十卷（卷二至卷十）〔明〕孔貞運輯

一

大清詔令八卷

四四五

天命詔旨書一卷

五七五

頒行詔書一卷

五八三

太平詔書一卷

五八九

皇明詔制二

〔明〕孔貞運輯

據南京圖書館藏明崇禎七年刻本影印原書版框高二一二毫米寬二八八毫米

皇明詔制卷二

奉

天承運

皇帝詔曰昔我

皇父太祖高皇帝龍飛淮甸汎掃區宇東抵虞淵西

踰崑崙南跨南交北際潮海仁風義聲震盪六

合腠爽闇昧咸際光明三十年間九有寧謐宴

駕之日萬方嗟悼煌煌功業恢于湯武德澤廣

布至仁彌流姪允攸以幼冲之資嗣守大業秉

皇明詔敕二

洪武三十五年

一

高皇帝

心不孝更改憲章戕害諸王放黜師保崇信奸

回大典土木天變于上而不畏地震于下而不

懼災延承天而文其過煌煌飛蔽天而不脩德益

乃委政宦官淫佚無度禍機四發將及于朕朕

惟

高皇帝嫡子祖有明訓朝無政臣內有好惡王得興

兵討之朕遵奉條章舉兵以清君側之惡蓋出

於不得已也使朕兵不舉天下亦將有聲罪而

攻之者允攸曾不反躬自責肆行旅拒荷蒙

天地

宗社之靈戰勝攻克擣之于垣上殲之于白溝破之

于滄州瀆之于藁城蹙之于夾河鞠之于靈璧

六戰已不國矣朕於是駐師畿甸索其奸回庶

希周公輔成之誼而乃不究朕懷闔官自焚以

自絕于

宗社天地所不庇鬼神所不容事不可已朕乃整師

入京秋毫無犯諸王大臣謂朕

太祖之嫡應天順人天位不可以久虛神器不可以

皇明詔敕三

洪武三十五年

二

無王上章勸進朕拒之再三爰乃俯徇輿情已

於六月十七日即皇帝位大禮既成所有合行

庶政並宜兼舉

一今年仍以洪武三十五年爲紀其改明年

爲永樂元年

一建文以來

祖宗成法有更改者仍復舊制刑名一依大明律科

斷

一奉天征討將士數年以來從朕征討披堅

執銳櫛風沐雨忠義奮發屢戰屢勝翊輔成功勤勞多矣簡在朕心宜速論功陞賞用酬前勞

一自洪武三十五年七月初一日昧爽以前官吏軍民人等有犯除謀反大逆謀殺祖父母父母妻妾殺夫奴婢殺主謀殺故殺人蠱毒魘魅毒藥殺人及見提奸惡不赦外其餘已發覺未發覺已結正未結正罪無大小咸赦除之敢有以赦前事相言告

皇明詔赦 洪武三十五年

三

者以其罪罪之

一自洪武三十一年閏五月以後周齊湘代岷五府被誣陷時文武官員軍民人等連累致罪者官復原職已故者文官優免其家差役武官子孫承襲民充軍者復還原籍爲民軍發邊遠者仍還原衛爲奴者卽放寧家入官田產照數給還
一遞年爲事買馬煎鹽當站及充遞運所水夫阜隸膳夫人數一體赦免各放寧家

一建文年間上書陳言有干犯之詞者悉皆勿論所出一應榜文條例盡行除毀

一山林隱逸懷材抱德之士有司詢訪以禮敦請赴京量才擢用其有志尚閑逸不願出仕者具名奏聞

一鰥寡孤獨有司依例存恤母令失所民年七十之上及篤廢殘疾者許令一丁侍養有飢寒不能自存者官爲賑濟

一山東北平河南府州縣人民有被兵不能

皇明詔赦 洪武三十五年

四

種田者並免三年差稅不曾被兵者與直隸鳳陽淮安徐州滁州揚州今年秋夏稅糧盡行蠲免其餘直隸府州山西陝西浙江福建江西湖廣兩廣四川雲南蠲免一半其有洪武三十五年七月初一日以前拖欠一應錢糧鹽課段疋木植蘆柴等項及軍民所養馬疋牛羊等項倒死并欠孳生者並免追陪其弓兵砍辦蘆柴者仍優免二年

一河南山東北平淮南北流移人戶各還原籍復業合用種子牛具官爲給付

一北方學校仍依舊制開設毋致廢弛

一建文除授并陞調文武官員仍依見職不動軍官有陞職事者止終本身子孫仍襲原職

一各處新收壯士勇士盡數放還爲民各安生業所設衛分并軍民指揮司盡行革去指揮千百戶衛所鎮撫有係民間并舍人

皇明詔赦

洪武三十五年

五

選用者亦各罷官放還

一諸色人匠除輪當正班外其餘一應撮工人匠俱各放還依次輪班

一各處見造軍器軍裝船隻一切不急之務盡皆停罷今後有司非奉上司明文毋得一毫擅自科擾於民

一自洪武三十五年七月初一日以前軍官爲事充軍及罷閑者赦免軍役復其原職亡故者子孫承襲總小旗革役充軍者各

還原役

一北平衛分官旗人等有因公差或被拘執不得已赴京者皆免其罪

一各處守城官軍有係別衛調到并征進漫散軍士見在他處者各還原衛所本處官司不許留難沮當其奉差守城文武官員及內官人等詔書到日俱各回京

一凡軍民人等男女人口有被官軍拘擄者官爲贖還

皇明詔赦

洪武三十五年

六

一遞年逃軍并征進漫散軍士藏躲山林者詔書到日爲始限一月之內赴官首告免罪所在官司發回原衛所着役

一拋荒田土除有人佃種納糧外其無人佃種荒田所司取勘明白開除稅糧免致拋荒損民

一所在城市鄉村凡在骸骨有司卽爲收斂埋瘞毋致暴露

一天下各都司衛所官軍皆

太祖皇帝恩養者奸臣迫脇調遣拒戰衝冒矢石情

有可憫見存者俱還原衛所其有陣亡喪

故失陷病故者官則襲其子孫旗軍每戶

賞鈔五錠戶無壯丁補役遺下寡婦母女

所司善爲存撫願依親還鄉聽從其便有

幼男者給糧紀錄出幼補役

一沿海軍民人等近年以來往往私自下番

交通外國今後不許所司一遵洪武事例

禁治

皇明詔敕二

洪武三十五年

七

於戲文帝入漢尚資恭儉之風武王紹周願廣

至仁之化布告天下其體朕懷

洪武三十五年七月初一日

奉

天承運

皇帝制曰昔元末兵興豪傑競起割據土地糜爛生

民

天命我

父皇太祖高皇帝龍飛淮甸東征西討掃除禍亂華

夷一統身致太平垂四十年

父皇賓天建文嗣位頑狠昏昧專任姦回內作色荒

改更成憲殘害宗親將及朕躬朕不得已起兵

皇明詔制二

洪武三十五年

八

自救身親戰陣已經四載賴

天地

祖宗之靈遂平內難爾諸奉天征討將士卧雪眠霜

櫛風沐雨百戰百勝萬死一生報

太祖之深恩弘濟艱難宣力甚多輔成大功仰稽

太祖皇帝開國功臣賞賜等第叅酌得宜論功高下

定爾爵賞朕不敢私在爾諸將亦自知之今封

爾

都督僉事丘福爲奉天靖難推誠宣力武臣

特進榮祿大夫右柱國中軍都督府左都督洪國公食祿二千五百石子孫世世承襲

都督僉事朱能爲奉天靖難推誠宣力武臣

特進榮祿大夫右柱國左軍都督府左都督成國公食祿二千五百石子孫世世承襲

都督僉事張武爲奉天靖難推誠宣力武臣

特進榮祿大夫柱國中軍都督府都督同知成陽侯食祿一千五百石子孫世世承襲

都督僉事陳圭爲奉天靖難推誠宣力武臣

特進榮祿大夫柱國後軍都督府都督同知泰寧侯食祿一千二百石子孫世世承襲

都督僉事鄭亨爲奉天靖難推誠宣力武臣

特進榮祿大夫柱國中軍都督府左都督武安侯食祿一千五百石子孫世世承襲

皇明詔制 洪武三十五年 九

都督僉事孟善爲奉天靖難推誠宣力武臣

特進榮祿大夫柱國右軍都督府都督同知保定侯食祿一千二百石子孫世世承襲

都督僉事火真爲奉天靖難推誠宣力武臣

特進榮祿大夫柱國中軍都督府都督僉事同安侯食祿一千五百石子孫世世承襲

右都督顧瑄爲奉天靖難推誠宣力武臣

進榮祿大夫柱國後軍都督府右都督鎮遠侯食祿一千五百石子孫世世承襲

都督僉事王忠爲奉天靖難推誠宣力武臣

特進榮祿大夫柱國右軍都督府都督同知靖安侯食祿一千石子孫世世承襲

都指揮使王聰爲奉天靖難推誠宣力武臣

特進榮祿大夫柱國中軍都督府都督僉事武城侯食祿一千五百石子孫世世承襲

皇明詔制 洪武三十五年 五

都督僉事徐忠爲奉天靖難推誠宣力武臣

特進榮祿大夫柱國前軍都督府左都督

永康侯食祿一千一百石子孫世承襲

都督僉事張信爲奉天靖難推誠宣力武臣

特進榮祿大夫柱國隆平侯食祿一千石

子孫世襲隆平伯

都督僉事李遠爲奉天靖難推誠宣力武臣

特進榮祿大夫柱國中軍都督府都督同

知安平侯食祿一千石子孫世襲安平伯

皇明詔制 二 洪武三十五年

都督僉事郭亮爲奉天靖難推誠宣力武臣

特進榮祿大夫柱國左軍都督府都督同

知成安侯食祿一千二百石子孫世襲成

安伯

都督僉事房寬爲思恩侯食祿八百石子孫

世襲指揮使

都指揮使徐祥爲奉天翊衛宣力武臣特進

榮祿大夫柱國興安伯食祿一千石子孫

世世承襲

都督僉事徐理爲奉天翊衛宣力武臣特進

榮祿大夫柱國武康伯食祿一千石子孫

世世承襲

都指揮同知李濬爲奉天翊衛宣力武臣特

進榮祿大夫柱國襄城伯食祿一千石子

孫世世承襲

都督指揮同知張輔爲奉天翊衛宣力武臣

特進榮祿大夫柱國信安伯食祿一千石

子孫世世承襲

皇明詔制 二 洪武三十五年

都督僉事唐雲爲奉天翊衛宣力武臣特進

榮祿大夫柱國新昌伯食祿一千石子孫

世襲指揮使

都指揮同知譚淵男譚忠爲奉天翊衛宣力

武臣特進榮祿大夫柱國新寧伯食祿一

千石子孫世世承襲

都指揮孫巖爲奉天翊衛宣力武臣特進榮

祿大夫柱國應城伯食祿一千石子孫世

世世承襲

指揮使房勝爲奉天翊衛宣力武臣特進榮

祿大夫柱國富昌伯食祿一千石子孫世襲

襲指揮使

都指揮使趙昇爲奉天翊衛宣力武臣特進

榮祿大夫柱國忻城伯食祿一千石子孫

世世承襲

都督僉事陳旭爲奉天翊衛宣力武臣特進

榮祿大夫柱國雲陽伯食祿一千石子孫

世世承襲

皇明詔制

洪武三十五年

十一

都指揮同知張玉追封奉天靖難推誠宣力

武臣特進榮祿大夫右柱國榮國公諡忠

顯

都指揮譚淵追封奉天靖難推誠宣力武臣

特進榮祿大夫柱國崇安伯諡壯節

都指揮僉事劉才爲奉天翊衛宣力武臣特

進榮祿大夫柱國廣恩伯食祿九百石子

孫世襲指揮同知

其曹國公李景隆等忠孝於

太祖扶持

社稷然相事機其功甚大今特加封

曹國公李景隆爲奉天輔運推誠宣力武臣

特進光祿大夫左柱國太子太師曹國公

增祿一千石通前四千石子孫世世承襲

尚書茹瑺爲奉天翊運守正文臣特進榮祿

大夫柱國太子少保兼兵部尚書忠誠伯

食祿一千石

都督同知王佐爲奉天翊運宣力武臣特進

皇明詔制

洪武三十五年

十四

榮祿大夫柱國中軍都督府都督同知順

昌伯食祿一千石子孫世襲指揮使

都督僉事陳瑄爲奉天翊運宣力武臣特進

榮祿大夫柱國中軍都督府都督僉事平

江伯食祿一千石子孫世襲指揮使

其谷王護衛指揮僉事張興儀衛正張成等

忠於

太祖受王成算佐成奇功今陞

指揮僉事張興爲驍騎將軍都督僉事

儀衛正張成爲驃騎將軍都指揮使

其餘將士人等論功高下皆在陞賞

其駙馬都尉王寧孝於

太祖忠於國家正直無私不附權勢遂遭誣陷幾致

損身達孝推恩允宜褒顯今以

王寧爲奉天輔還推誠效義武臣特進光祿

大夫柱國駙馬都尉永春侯食祿一千石

子孫世世承襲

於戲人君之職惟在奉

皇明詔制

洪武三十五年

十五

天爵賞之頒豈容私意今以天下之財賞天下之功

民之資力有限名爵之貴無窮故茲資與亦不

以多少爲輕重或朕知有未盡未滿爾心對朕

自陳若退有後言者於犯法甚不可也但恐爾

等不立功爾今後果能立功至再至三不吝爵

賞朕之此言通于

天地布告爾衆咸使聞知

洪武三十五年九月初四日

奉

天承運

皇帝詔曰朕荷

天地神靈

祖宗庇祐繼承大統華夏肅清稽于古典虞夏殷周

之盛亦資內助以致雍熙朕

皇考太祖高皇帝肇脩人紀惇典庸禮臻茲治平薄

海內外室家相慶功德兼隆與天同運亦惟

皇妣孝慈高皇后效法承天肅雍顯相德配聖人化

皇明詔敕

洪武三十五年

十六

家爲國朕奉藩于燕垂二十年正妃徐氏開國

元勳中山武寧王徐達之女佐朕

皇考咸有一德格于

皇天天惟申命用休君臣篤慶榮裕始終毓茲貞淑

嬪于肇封家政輯寧朕恭行天討無內顧之憂

厚德嘉禎壺儀懿範同朕恭勤保茲天命君臨

爾萬姓之上是用於洪武三十五年十一月十

三日命使奉金冊金寶立徐氏爲皇后正位中

宮恭承

宗廟布告天下咸使聞知

洪武三十五年十一月十三日

皇明詔敕

洪武三十五年

奉

天承運

皇帝詔曰仁義之推施由親始帝王之治睦族爲先歷觀往古克洽太平未有不由茲道也昔朕皇考太祖高皇帝受天明命奄有萬方隆厚親親及於異姓寰宇同風誠惇孝友乃遵古道封建諸王藩屏帝室與國咸休允攸無道不孝不君不耻不仁不畏不義滅絕天理敗壞人倫恣其狂悖忤祖滅親卽位三年骨肉幾盡周王奉藩守法循理匡輔朝廷初無罪愆忠不見信以賢見疑偏聽讒言忽興師旅籍其資財空其宮室害其官屬周王莫知其由自來京師欲伸枉屈略不加察卽竄之蠻夷萬里瘴癘之鄉流離道路父子殊方幽囚苦困穴牆通食體無完衣窮窘危辱濱於死亡誣構湘王令其闔宮自焚加以惡謚執齊王於京邸囚代王於大同囚岷王於雲南日夜所思惟殘賊骨肉之計不盡不饜乃以懿文太子薨逝之時

皇明詔敕

永樂元年

皇考欲立朕爲嗣尤所猜忌無繫可圖聽信奸臣縱
兵害朕朕不得已舉兵自故荷

天地神明

祖宗孚佑

皇考之靈兵至畿甸索其奸回允攸自知慙負

天地無顏相見自焚而死諸王臣民尊朕爲皇帝重

念骨肉之親良深存歿之感是用復封周王於

河南齊王於青州湘王賜謚曰獻治其墳廟代

王岷王皆脫拘囚還其封爵秦愍王之子尚册

皇明詔赦二

永樂元年

十九

封爲興平王尚炆爲永壽王尚圻爲安定王晉

恭王之子濟熿爲平陽王濟煇爲廣昌王周王

長子有燉復爲周世子次子有勳封爲汝南王

有烜爲順陽王有燾爲祥符王有煒爲新安王

有光爲永寧王有燭爲汝陽王有燝爲鎮平王

有焮爲宜陽王齊王之子賢烱爲樂安王賢煥

爲長山王賢寔爲平陽王於戲天有顯道厥類

惟彰善惡之應捷於影響

皇考重分封之意允攸絕骨肉之恩不孝違

天天命殛之今朕奉

天復遵舊制藩屏宗親期百世本支之咸山河帶礪

資萬

年盤石之安布告天下咸使聞知

永樂元年正月十三日

皇明詔赦三

永樂元年

二十

奉

天承運

皇帝詔曰朕惟建儲貳固所以定國本茂德器斯可
以繫人心蓋究知前人創立之難乃克勝後世
續承之重昔

皇考太祖高皇帝勞神焦思混一寰宇武功文德誕
開太平至於允攸大逆不孝幾墜邦家尚賴

皇考聖神天眷無間顯相遐祚垂福朕躬克清內難

繼承大統載安

皇明詔赦二

永樂元年

壬

宗社以王神人方惟負荷之難永切憂勤之意惟弟

周王致孝

皇考盡忠國家慮遠以思深屢摠誠而致告謂朕長

子未正東宮宜預立以固皇基當早建以安天

下蓋上則思肇造之甚艱下欲明繼序之永定

誠社稷之大計乃骨肉之至情言之再三意愈

勤懇但長子學問未廣德業未充必有以厭衆

心乃可以王神器俟詢永正人簡登賢俊庶幾

輔導有成正名未晚所請不允

永樂元年四月初四日

皇明詔赦二

永樂元年

壬

奉

天承運

皇帝詔曰朕惟帝王盛德皆因實以著名達孝尊親必揚名而顯實此放勳重華所以贊堯舜而宣哲於皇所以頌文武也洪惟朕

皇考皇帝聰明神武俊德格天至誠膺合於乾剛光大寔侔於坤厚固天縱之至聖膺曆數之在躬當元運之訖祿四海紛紜強暴相凌生民塗炭憫墊溺之莫拯奮一劍以龍興曾無寸土一民

皇明詔赦

永樂元年

三

之階自有英雄萬國之會汛掃塵氛莫安寰宇不數載而成帝業乃一舉而治太平制禮作樂典章煥乎重新用夏變夷人文蔚其宣朗東西際日月之出沒南北極寒暑之幽遐咸蒙覆幬均被沾濡四十餘年德教洋溢淳風熙皞自生民以來未有盛於

皇考皇帝者也

皇妣孝慈皇后齊莊懿淑恭儉仁孝誕符景運作配至尊弘濟艱難化家爲國盡其誠敬之心以奉

神靈之統輔成內治表著母儀極天下之富貴曾何加于其身躬蠶桑以爲常服澣濯不爲異有樛木逮下之德致螽斯多男之祥雖嫡內嬪虞塗山啓夏桀娥聲殷摯任興周蹟同開創實莫與京自古后妃未有盛於

皇妣孝慈皇后者也仰惟

二聖之鴻休允合兩儀之大德日月于邁深切孝思念名號未稱乎功德典禮必在於追崇考諸經史之文尤重尊親之謚廼者下詔廷臣上定尊

皇明詔赦

永樂元年

三

謚衆心戴慕興議僉同

皇考尊謚聖神文武欽明啓運俊德成功統天大孝高皇帝廟號

太祖

皇妣尊謚孝慈昭憲至仁文德承天順聖高皇后告

于

天地

宗社以六月十一日恭上冊寶於戲顯號鴻名永協臣民之公論配